

從遼甯到日本之印象

啓程之前

東北行之動機

余之東北行，懷抱非一日。十七年前遊日本，參觀東京大正博覽會，觀其種種出版物，聆日人之談吐，覺其經營我東北南部，其用心之深銳，手腕之酷辣，心忤悸動。最近讀湯爾和氏所譯東省叢刊兩種，一爲東省刮目論，一爲到田間去，讀竟爲之大鑿節。東北，我之疆土也！吾不能調查，吾不能研究，乃待日人爲之，寧非大憾！三年來余主持職業指導所，一日中來登記求學者，率有四五十人。粥少僧多，寧求食於繁華之上海，無論事業如何發達，亦安能容此來源不斷之人才？萬聞廣廈，徒存虛想而已。劉湛恩博士因大提倡其邊疆事業，往東北去，往西北去，乃至往西南，往蒙藏，以此主義揭擧於世。余深表贊同，每思假我以時間經濟，極願爲開路先鋒。奮我目光，以筆與舌與心思。

殺出一條大路來，爲無數無業失業青年立足地。此其一。東北良美之農區也，有森林，有農業，原田每每隨處爲黃金世界。吾人既欲以農村教育救國，則東省一極好之研究資料，胡適之先生有言，改良得一種豈，一種棉花，或一種蠶子，勝似一萬萬噸談主義的文章。余等提倡并實施職業指導久矣，往田間去，往東北去，既日晤於一般青年，願我人之實地經驗何如，將如何以領導青年，非早自己有一番準備的調查與研究工夫不辦。此其二。年來國貨實業蓬勃之氣象，不可謂非實業界之好消息，願國人積習，喜做現成生活，僅僅踟躕於一隅，少有肯用工夫以從事稍難稍險之事業。職業有限，而人才之出路無多，結果羣趨於同一之途徑，只有就業改業，而無創業造業之人，非用一番工夫實地往東北觀察，以其所得，歸告熱心國貨之企業家，準備推廣其事業於東省，以爲南方無數無業與失業青年開生路。此其三。適中華全國職教機關本年將開年會於瀋陽，事先不可無調查接洽與宣傳推廣之手續，余念此任務，與余夙抱之志願相合，因決作東北之行。

啓行前一日

啓行前一天，適黃君暨顏借最近自東北步行來滬之馮庸大學徐景智、金鐵夫、李殿鈞、歐鴻

禮邱景星五君來訪。知五君自十九年十二月一日，從東北步行南下，所經都市百餘處，均有極詳細之記載，饒有興趣。知余有東北之行，因縱談東北事，深以東北問題，素不為南方人所注意，而日本人反處心積慮，幾以全副精神，致力於此，為大可惜。五君并言東省富源，一為森林，一為礦產，而無財力才力為之開發，貨棄於地，讓人起而代之，而東省人尙以無業失業為慮，可見職業指導之在東北，較南方尤為急需。并希望余鼓勵南方青年之樂赴東北，於自己則闢一生路，於國家則宣勞服務。利人利己之事業，孰愈於此。殷殷之意，至可感激。臨行，實業界劉君熱心造紙之事業，又特囑余為之注意東省森林之區域，與木材之運輸，以供在北方設立紙廠之研究。

遼行采風

青島之一瞥

自上海行二十八小時，抵青島，船泊五小時，因得周游青島全市。見其街道之整潔，建築之宏善，不能不佩服從前德國人經營此埠之魄力。因就參觀談話所得，紀載其大略。

■敵台故地 參觀海軍砲台與陸軍砲台，悉爲德人遺留之建築物，雄偉鞏固，罕有其匹。同人歷盡地道，二處地方，均由當年服務此台之守卒，詳細指示。若者爲運彈機，若者爲瞭望處。歐戰之役，日人襲擊青島，德兵死守不去，四十日不能下。後由勞山背後襲擊，毀陸軍砲台，德人以寡不敵衆，始屈服。願德人之防禦力，始終爲人所歎服。某守卒談時，有聲有色，歷歷如繪，不啻當年唐宮人談天寶遺事也。

■青島大學 參觀國立青島大學，校長楊振聲赴京，由教授趙畸導觀全部。是校爲俾斯麥兵營改建，由省立山東大學私立青島大學合併組成。現分文學院、理學院、文學院、中國文學系、外國文學系、教育學系、理學院分數理化、生物四系，共七系。於十九年暑假中成立，學生一百餘人。教授二十八人，男女同學，女生不足十人。每年經費，山東省經費年撥三十六萬，國民政府年撥十八萬，膠濟路年撥四萬八千元，國家經費，尙未領到，計畫之農學院、工學院，擬設濟南，現已在濟先辦農學試驗場，此校每生所佔經費，當在四千元左右，設備方面，尙待擴展。

■青島市觀象台 參觀青島市觀象台，爲德人所創建，現歸市政府。台長蔣丙然，爲氣象專家，著